



Inatsisartuni ilaasortaq
Peter Olsen
Inuit Ataqatigiit

**Ilinniagaqalernissamut piareersarnermut pikkorissartitsisarneq pillugu § 37 naa-
perrorlugu apeqqummut imm. 45-mut akissuteqaat.**

Uunga Inatsisartunut ilaasortaq, Peter Olsen. Inatsisartut suleriaasissaanni § 37-mi
imm. 1 malillugu ilinniagaqalernissamut piareersarnermut pikkorissartitsisarneq pillugu
apeqquteqaateqarputit (udd#185021).

18-02-2016
Suliap nr. 2016 - 2489
All. nr. 2091160

Postboks 1029
3900 Nuuk
Tlf: +299 34 50 00
Allak.: +299 32 20 73
Email: ikiln@nanoq.gl
www.nanoq.gl

- 1. Ilinniagaqalernissamut piareersarnermut pikkorissartitsinermi peqataasut
ulluinnarni GU pilot-mik taaneqartartumi, aasaru 2016-mi
naammassisussat, assersuutigalugu ukiaru ilinniartissuarmut,
ilinniaqqiffinnullu allanut ilinnialernissaminut qinnuteqaraluartutik
inissaqannginnertik pissutigalugu tiguneqanngitsoortut aappaagu
qinnuteqaqqissinnaanissaat Naalakkersuisut qulakkeersinnaavaat?**

Akissut:

Nangitsilluni ilinniarnernut ilinniartutut tiguneqartut, Nuummeersuunngitsut, ilinniartut
inaanik pisariaqarpalluunniit illuni allani inissarsinissaat Naalakkersuisunit qularnaarne-
qartarpoq. Taamaalilluni ilinniagaqalernissamik aallartitsinngitsoortoqassappat inissia-
nik amigaateqarneq tunngavilersuutigineqarsinnaanngilaq.

Naalakkersuisut pikkorissarnernit naammassisut ilinniakkanut tulliuttunut tiguneqarne-
qarnissaat qulakkeersinnaanngilaat, ilinniartit ilinniagassanut tiggummissaminut isernis-
samut piumasaqaatit nammineerlutik aalajangersartarmatigit.

Ilisimatusarfiup, pikkorissarnernit naammassisunut attuumassuteqartoq, isernissamut
piumasaqaatit sukaterneqartut 2017-imi aasakkut atuutilertussat nalunaarutigai.
2017-imi pikkorissarneq ilisimatusarfimmi ilinniakkanut eqqarsaatigineqartunut
isernissamut atorsinnaajunnaassaaq. Pikkorissartut maannakkut ingerlareersut 2016-
imut qinnuteqarnissamut killigititaq nallertinnagu ilinniarnissanut qinnuteqarnissamut
siunnersorneqarput, pikkorissarnermik naammassisut ilinniarnermik ingerlanerannut
tunngatillugu ajornartorsiulernissaat sapinngisamik annertunerpaamik
pinngitsoorniarlugu.

Ukua ilinniarnertit ingerlasut suli pikkorissarnermik naammassisut tigusarpaat:
akademi-uddannelse, serviceøkonom, arktisk turistguide aamma procestekniker.

2. Ukiormanna tiguneqanngitsoortoq aappaagu aamma tiguneqanngitsooruni taanna aningaasanik asuli atuilussinnarnerussannginnerpa?

Akissut:

Ilinniagaqalernissamut piareersarnermut pikkorissartitsisartoq Ilisimatusarfimmit ilinniagassanut qinnuteqartoq ukiorlu manna ilinniarnertup nanginnissaanut inissarsinngitsooq, ukiup tulliani Ilisimatusarfimmi ilinniagassanut immikkut akuerineqarluni ilanngunnissamut qinnuteqarsinnaavoq imaluunniit pineqartup ilinniarnertup allanut aallartinnissani kissaatiginnikkuniuk, piffissani annerusumik pikkorissarnermut atorsinnaavaa. Soorlu imatut uppersaatitalimmik soraarummeernarnermut aamma ukiuni pingasuni ilinniarnertuunngorniarnermut imaluunniit ilinniarnertuunngorniarfimmi *fag-inut ataasiakkaanut* iserniarsinnaavoq imaluunniit ilinniagassat allat qinnuteqarfigisinnaavai. (takuuk allerpaamik immikkoortoq 1.). Qinnuteqartup ilinniarnertuutut soraarummeerneq tarmi-usoq naammaquserniarlugu kissaatqarpat, tamanna tunuliaqutaralugu tiguneqarnissaminik qinnuteqarsinnaavoq.

3. 23-leereersimasut ilinniarnertuunngorniarfinnilu atuarsimangitsut, qaffasinnerusumilli ilinniagaqaleqqikkusussinnaasut, qaffasinnerusumik ilinniagaqaleqqissinnaanissaat aqutissiuunniarlugu Naalakkersuisut qanoq pilersaaruteqarpat? GU-ip saniatigut.

Akissut:

Naalakkersuisut ukiumi atuarfusussami ilinnialernissamut periarfissanik qinigassanik allanik suliaqarnissamik periarfissanik misissuineramik aallartitsiniarput, ilaatigut inuit 23-leereersimasunut ukiuni pingasuni ilinniarnertuunngorniarneq maannakkutut iluseqartilugu, kiisalu allanik periarfissanik atuutereersunut. Matumani ilanngullugu internet-ikkut atuartitsineq aqutigalugu ukiuni pingasuni ilinniarnertuunngorniarnermut atuartitsineq imaluunniit ilinniagassat ataatsimoortut malinnaaffiginissaannut periarfissat taamaalilluni innuttaasunut amerlanerusunut ilinniagaqalernissamut piareersarnermut ilinniarnertuunngorniarneq neqeroortigisinnaajumallugu.

Suli ilinniarfissaqarpoq ilinniarnertuutut soraarummeersimanissamik piumasaqaatitaqanngitsumik. Pikkorissarnerit assigiinngitsut kissaatigineqarpata, qinnuteqartup ilinniarsimassutsikkut tunuliaqutai aalajangiisuullutik, tamatumunnga maannakkut Piareersarfiit ilinniarnertuunngorniarfiillu periarfissaapput.

Tamatuma saniatigut soorlu assersuutigalugu HF-imi atuarneq ilinniarnermi tapiiffiginersinnaatitaasoq Danmark-imi aallartinneqarsinnaavoq.

- 4. Ilinnialeqqinnissamut Piareersarfik HF qangaanersoq nunatsinni ingerlanneqartarnikuusoq aallarteqqinniarlugu Naalakkersuisut pilersaaruteqarpat?**
- A. Aap-piuppat qaqugu?**
- B. Naamiuppat sooq?**

Akissut:

Qulaani pineqartunut misissuinerup ilaatut, HF-imut (Højere Forberedelseseksamen) neqerooruteqarnissamut periarfissaq, taamatut periarfissat allat neqeroorutigineqarsinnaasut, nalinginnaasumik ilinniarnermi pisinnaasatigut angusaqarfiusoq qulaarneqasapput.

Inussiarnersumik inuulluaqqusilluta



Nivi Olsen



Nuuk 4. februar 2016

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Ilinniagaqalernissamut piareersarnermut pikkorissartitsinermi peqataasut ulluinnarni GU pilot-mik taaneqartartumi, aasaru 2016-mi naammassisussat, assersuutigalugu ukiaru Ilinniarfissuarmut, ilinniaqqiffinnullu allanut ilinnialernissaminnut qinnuteqaraluarlutik inissaqannginnertik pissutigalugu tiguneqanngitsoortut aappaagu qinnuteqaqqissinnaanissaat Naalakkersuisut qulakkeersinnaavaat?**
- 2. Ukiormanna tiguneqanngitsoortoq aappaagu aamma tiguneqanngitsooruni taanna aningaasanik asuli atuilussinnarnerussannginnerpa?**
- 3. 23-leereersimasut ilinniarnertuunngorniarfinnilu atuarsimangitsut, qaffasinnerusumilli ilinniagaqaleqqikkusussinnaasut, qaffasinnerusumik ilinniagaqaleqqissinnaanissaat aqutissiuunniarlugu Naalakkersuisut qanoq pilersaaruteqarpat? GU-ip saniatigut.**
- 4. Ilinnialeqqinnissamut Piareersarfik HF qangaanerusoq nunatsinni ingerlanneqartarnikuusoq aallarteqqinniarlugu Naalakkersuisut pilersaaruteqarpat?**
 - A. Aap-piuppat qaqugu?**
 - B. Naamiuppat sooq?**

(Inatsisartuni ilaasortaq Peter Olsen, Inuit Ataqatigiit)

Tunngavilersuutit

Naluneqanngitsutut Ilinniagaqalernissamut piareersarnermut pikkorissartitsisarneq, ulluinnarni aamma GU Pilot-mik taaneqartartoq, inersimasunut 23-leereersimasunut GUX Nuummi GUX Aasiannilu ingerlanneqartarsimasoq unitsinneqassaaq aasaq 2016.

Naluneqanngitsutullu Ilinnarfissuup aamma Ilisimatusarfiup ilinnialertussanut piumasaqaatitik ukiarumiit qaffattussanngorlugit nalunaaruteqarnikuupput. Tamatuma kingunerusussaava ukioq manna GU pilot-mik atuartut ukiormanna tiguneqanngitsoorunik aappaagu tiguneqarnissartik ilimagisinnaajunnaarpat, piumasaqaatit sakkortusarneqarnerata kingunerisaanik.

Naluneqanngitsutut 23-leereersimasut aammalu inuussutissarsiornermik ilinniagaqareersimasut qaffasinnerusumillu ilinniagaqaaqqilersuusinnaasut qujanartumik amerliartorput. Inuuneq tamarmi ilinniarfiummat ilinniarnerminni nalaanni aammalu ilinniareersimanerni kingorna sulinermi ilikkagarpassuaqalersarput misilittagarpassuaqalersarlutillu ilinniaqqinnissaminnut atorluarsinnaasaminnik.

GU tassaavoq ukiuni pingasuni ilinniarnertuunngorniarfik inuusuttuaqqanut 16-iniit 18-nit tungaannut ukiulinnut naleqqussagaasoq.

Taamaattumik naleqquppallaanngilaq 23-leereersimasumut inuussutissarsiornermillu ilinniagaqareersimasumut ukiuni pingasuni ilinniarnertuunngorniarfimmi, inuusuttuararpassuillu akornanni qaffasinnerusumik ilinnialeqqinnissamut piareersassalluni.

Taakkununga naleqqunnerpaaq tassaagunarpoo ukiuni marlunni ilinniaqqinnissamut piareersarfik; tassalu qallunaatut taaneqartartoq HF.

Ilinniartitaanerup qaffassarneqarnissaa pingaartipparput aamma nunatta ilinniarluarsimasut pisariaqartippai. Taamaattumik pingaaruteqarpoq inersimanagerusunut qaffasinnerusumillu ilinnialeqqikkusussinnaasunut piareersarfiusinnaasumik peqarnissarput GU-ip saniatigut.

GU pilot-ip atorunnaarneratigut inersimanagerusut ilinniaqqiffissaannik amigaateqalertussanngorpugut. Taamaattumik apeqquteqaatinni aamma paserusukkiga inersimanagerusunut ilinnialeqqikkusussinnaasunullu naalakkersuisut qanoq pilersaaruteqarnerusut GU-ip saniatigut.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut suliffiusut qulit iluanni akineqassasoq.